

摘藻堂四庫全書薈要

集部

欽定四庫全書薈要卷一萬八千八十四

集部

御定全唐詩卷六百七十九

崔塗

崔塗字禮山江南人光啟四年登進士第詩一卷

秋夕送友人歸吳

離心醉豈懼把酒彊相寬
世路須求達還家亦未安
旅程愁算遠江月坐吟殘
莫羨扁舟興功成去不難

長安逢江南僧

孤雲無定蹤忽到

一作別

又相逢說盡天涯事聽殘上國

鐘問人尋寺僻乞食過街慵憶到曾棲處開門對數峰

晚次修路僧

平盡不平處尚嫌功未深應難將世路便得稱師心高
鳥下殘照白煙生遠林更聞清磬發聊喜緩塵襟

湖外送友人遊邊

我泛瀟湘浦君行指塞雲兩鄉天外隔一徑渡頭分雨
暗江花老筇愁隴月曛不堪來去鴈迢遞思離羣

讀段太尉碑

憤激計潛成臨危豈顧生祇空持一笏便欲碎長鯨國
已酬徽烈家猶聳義聲不知青史上誰可計功名

夕次洛陽

一作維揚道中

秋風吹故城城下獨吟行高樹鳥已息古原人尚耕流
年川暗度往事月空明不復歎岐路馬前塵夜生

讀方干詩因懷別業

把君詩一吟萬里見君心華髮新知少滄洲舊隱深潮

衝虛閣上山入暮窗沉憶宿高齋夜庭枝識海禽

題嵩陽隱者

四十年高夢生涯指一丘無人同久住有鶴對冥修
草雜芝田出泉和石髓流更嫌庭樹老疑是世間秋

友人問卜見招

何必問蓍龜行藏自可期但逢公道日即是命通時
樂善知無厭操心幸不欺豈能花下淚長似去年垂

江行晚望

木落曙江晴寒郊極望平孤舟三楚去萬里獨吟行鳥
上橫查立人當故里耕十年來復去不覺二毛生

巫山廟

雙黛儼如顰應傷故國春江山非舊主雲雨是前身夢
覺傳詞客靈猶福楚人不知千載後何處又爲神

秋夕與友人話別

懷君非一夕此夕倍堪悲華髮猶漂泊滄洲又別離冷
倉棲不定衰葉墮無時况值干戈隔相逢未可期

與友人同懷江南別業

因君話故國此夕倍依依舊業臨秋水何人在釣磯浮
名如縱得滄海亦終歸却是風塵裏如何便一作更息機

苦吟

朝吟復暮吟只此望知音舉世輕孤立何人念苦心他
鄉無舊識落日羨歸禽況住寒江上漁家似故林

春日郊居酬友人見貽

荒齋原上掩不出動經旬忽覺草木變始知天地春方

期五字達未厭一簞貧麗句勞相勉余非樂釣綸

問卜

承家望一名幾欲問君平自小非無志何年即有成豈
能長失路爭忍學歸耕不擬逢昭代悠悠過此生

蜀城春

天涯憔悴身一望一霑巾在處有芳草滿城無故人懷

才皆得路失計自

一作獨

傷春清鏡不能

一作堪

照鬢毛愁

更新

送道士于千齡游南岳

物外與誰期
人間又別離
四方多事日
高岳獨遊時
猿
狖瀟湘樹
煙波屈宋祠
無因陪此去
空惜鬢將衰

入蜀赴舉秋夜與先生話別

欲愴峨嶠別
中宵寢不能
聽殘池上雨
吟盡枕前燈
失
計方期隱
修心未到僧
雲門一萬里
應笑又擔簦

春晚懷進士韋澹

故里花應盡
江樓夢尚殘
半生吟欲過
一命達何難
特

立珪無玷相思草有蘭二年春悵望不似在長安

言懷

干時雖苦節趨世且無機及覺知音少翻疑所業非青
雲如不到白首亦難歸所以滄江上年年別釣磯

秋夜興上人別

常時豈不別此別異常情南國初聞鴈中原未息兵暗
蛩侵語歇疎磬入吟清曾聽無生說辭師話此行

感花

繡輓香羈夜不歸少年爭惜最紅枝東風一陣黃昏雨

又到

一作是

繇華夢覺時

秋宿天彭僧寺

身世兩相惜秋雲每獨興難將塵界事話向雪山僧力
善知誰許歸耕又未能此懷平不得挑盡草堂燈

秋夜僧舍聞猿

哀猿聽未休禪景夜方幽暫得同僧靜那能免客愁影
搖雲外樹聲裊月中秋曾向巴江宿當時淚亦流

過昭君故宅

以色靜胡塵名還異衆嬪免勞征戰力無愧綺羅身骨
竟埋青塚魂應怨畫人不堪逢舊宅寥落對江濱

過洛陽故城

三十世皇都蕭條是霸圖片牆省破盡遺跡漸應無野
徑通荒苑高槐映遠衢獨吟人不問清冷自鳴鳴

秋夕與友人同會

章句積微功星霜二十空僻應如我少吟喜得君同月

上僧歸後詩成客夢中更聞棲鶴警清露滴青松

春日登吳門

故國望不見愁襟難暫開春潮映楊柳細雨入樓臺靜
少人同到晴逢鴈正來長安遠於日搔首獨徘徊

湘中秋懷遷客

蘭杜曉香薄汀洲夕露餘併聞燕塞鴈獨立楚人村霧
散孤城上灘迴曙枕喧不堪逢賈傅還欲弔湘沅

南山旅舍與故人別

一作商
山道中

一月又將

一作欲

暮一年看即殘病知心事少老別舊交

一作故人

難山盡路猶險雨餘春却寒那堪試

一作更

回首烽

火是長安

東林愿禪師院

與世漸無緣身心獨了然講銷林下日臘長定中年磬
絕朝齋後香焚古寺前非因送小郎不到虎谿邊

孤鴈二首

相浦離應晚邊城去已孤如何萬里計只在一枝蘆迴

起波搖楚寒棲月映蒲不知天畔侶何處下平蕪

幾行歸去

一作塞

盡片影

一作念爾

獨何之暮雨相呼失寒塘

獨下遲渚雲低暗度闌月冷遙

一作相

隨未必逢繒繳孤

飛自可疑

寄青城山顥禪師

懷師不可攀師往杳冥間林下誰聞法塵中只見山終
年人不到盡日鳥空還曾聽無生說應憐獨未還

秋夕與王處士話別

微燈照寂寥此夕正迢迢丹桂得已晚故山歸尚遙蟲
聲移暗壁月色動寒條此去如真隱期君試一瓢

秋日犍爲

一作巴南

道中

一作途中感懷

久客厭岐路出門吟且悲平生未到處落日獨行時芳
草不長綠故人無

一作難

重期那堪更南渡鄉國已

一作是

天涯

送僧歸江東

一作岐下送蒙上人歸天台

坐徹秦城夏行登越客船去留那有著語默不離禪葉

擁臨關路霞明近海天更尋同社侶應得虎溪邊

一作石橋

雲畔樹應

老舊房前

喜友人及第

孤吟望至公已老半生中不有同人達兼疑此道窮只
應才自薄豈是命難通尚激搏溟勢期君借北風

上巳日永崇里言懷

一本無下五字

未敢分明賞物華十年如見夢中花遊人過盡衡門掩
獨自凭欄到日斜

送僧歸天竺

忽憶曾棲處，千峰近沃州。
別來秦樹老，歸去海門秋。
汲帶寒汀月，禪隣賈客舟。
遙思清興愜，不厭石林幽。

牛渚夜泊

煙老石磯平，袁郎夜泛情。
數吟人不遇，千古月空明。
人事年年別，春潮日日生。
無因逢謝尚，風物自淒清。

送友人歸江南

渚田芳草徧，共憶故山春。
獨往滄洲暮，相看白髮新。
定

過林下寺應見社中人只恐東歸後難將鷗鳥親

過陶徵君隱居

陶令昔居此弄琴遺世榮

一作清

田園三畝綠軒冕一銖

輕衰柳自無主白雲猶可耕不隨陵谷變應只有

一作是

高名

江上旅泊

汀洲一夜泊久客半連檣盡說逢秋色多同憶故鄉孤
岡生晚燒獨樹隱回塘欲問東歸路遙知隔渺茫

灞上

長安名利路役役古由今
征騎少間日綠楊無舊陰
水侵秦甸濶草接漢陵深
紫閣曾過處依稀白鳥沈

寄舅

中朝軒冕內久絕甯家親
白社同孤立青雲獨併伸
致君期折檻舉職在埋輪
須信堯庭草猶能指佞人

贈休糧僧

聞鐘獨不齋何事更闌懷
靜少人過院閒從草上階
笙

臺無鳥下石路有雲埋為憶禪中舊時猶夢百崖

題絕島山寺

絕島跨危欄登臨到此難夕陽高鳥過疎雨一鐘殘駭
浪搖空闊靈山厭渺漫那堪更回首鄉樹隔雲端

讀侯道華真人傳

漢皇輕萬乘方士說三丹不得修心要翻知出世難茂
陵春竟綠金掌曙空寒何似先生去翩翩逐彩鸞

殘

一作
花

遲遲傍晚曉陰昨夜色猶深畢竟終

一作榮

須落堪悲古與

今年何處見盡日此時

一作獨傷

心蜂蝶無情極殘香更

不尋

題興善寺隋松院與人期不至

青青伊澗松移植在蓮宮
蘚色前朝雨秋聲半夜風
長閒應未得暫賞亦難同
不及禪棲者相看老此中

樵者

行山行採薇閒翦蕙為衣
避世嫌山淺逢人說姓稀
有

時還獨醉何處掩衡扉莫看棊終局溪風晚待歸

南澗耕叟

年年南澗濱力盡志猶存雨雪朝耕苦桑麻歲計貧
戰添丁壯役老憶太平春見說經荒後田園半屬人

春日閒居憶江南舊業

杜門朝復夕豈是解謀身夢不離泉石林唯稱隱淪漸
諳浮世事轉憶故山春南國水風暖又應生白蘋

屈原廟

讒勝禍難防沈寃

一作魂

信可傷本圖安楚國不是怨懷

王廟古碑無字洲晴蕙有香獨醒人尚笑誰與奠椒漿

宿廬山絕頂山舍

一磴出林端千峰次第看長閒如未遂暫到亦應難
谷樹雲埋老僧窗瀑影寒自嫌心不達向此夢長安

王逸人隱居

一徑入千岑幽人許重尋不逢秦世亂未覺武陵深
石轉生寒色雲歸帶夕陰却愁危坐久看盡暝棲禽

申州道中

風緊日淒淒鄉心向此迷
水分平楚闊山接故關低
客路緣烽火人家厭鼓輦
那堪獨馳馬江樹穆陵西

江上懷翠微寺空上人

旅泛本無定相逢那可期
空懷白閣夜未荅碧雲詩
暮雨潮生早春寒鴈到遲
所思今一作吟不見鄉國正天涯

秋宿鶴林寺

步步入林中山窮意未窮
偏逢僧話久轉與鶴棲同
燭

焰風銷盡蘭條露濕空又須從此別江上正秋鴻

遠望

長爲鄉思侵望極即霑襟不是前山色能傷愁客心
平蕪連海盡獨樹隱雲深況復斜陽外分明有去禽

秋晚書懷

看看秋色晚又是出門時白髮生非早青雲去自遲
夢唯懷上國跡不到他岐以此堅吾道還無媿已知

途中秋晚送友人歸江南

又指烟波算路岐此生多是厭羈離
正逢搖落仍須別不待登臨已合悲
里巷半空兵過後水雲初冷鴈來時
扁舟未得如君去空向滄江夢所思

己亥歲感事

正聞青犢起葭萌又報黃巾犯漢營
豈是將皆無上略直疑天自棄蒼生
瓜沙舊戍猶傳檄吳楚新春已廢耕
見說聖君能仄席不知誰是請長纓

金陵晚眺

一作懷古

葦聲騷屑水天秋吟對金陵古

一作晚

渡頭千古是非輸

蝶夢一輪風雨屬漁舟若無仙分應須老幸有歸

一作青

山

一作山歸

即合休何必登臨更

一作共

惆悵比

一作本

來身

一作

人世只如浮

過長江賈島主簿舊廳

雕琢文章字字精我經此處倍傷情
身從謫宦方需祿才被槌埋更有聲
過縣已無曾識吏到廳空見舊題名
長江一曲年年水應爲先生萬古清

途中感懷寄青城李明府

鱗鬣摧殘志未休，壯心翻是此身讐。
併聞寒雨多因夜，不得鄉書又到秋。
耕釣舊交吟好憶，雪霜危棧去堪愁。
如何只是三年別，君著朱衣我白頭。

夏日書懷寄道友

達即匡邦退即耕，是非何足撓平生。
終期道向希夷得，未省心因寵辱驚。
峰轉暫無當戶影，雉飛時有隔林聲。
十年惟悟吟詩句，待得中原欲鑄兵。

和進士張曙聞鴈見寄

斷行哀響遞相催，爭趲高秋作恨媒。
雲外關山聞獨去，渡頭風雨見初來。
也知榆塞寒須別，莫戀蘋汀暖不迴。
試向富春江畔過，故園猶合有池臺。

鸚鵡洲即事

一作眺望

悵望春襟鬱未開，重吟鸚鵡益堪哀。
曹瞞尚不能容物，黃祖何曾

一作因

解愛才。幽島暖聞燕鴈去，曉江晴覺蜀

波來。何人正得風濤便，一點輕

一作征

帆萬里迴。

讀留侯傳

末句缺
五字

覆楚讐韓勢有餘
男兒遭遇更難如
偶成漢室千年業
只讀圯橋一卷書
翻把壯心輕尺組
却煩商皓正皇儲
若能終始匡天子
何必

赤壁懷古

漢室河山鼎勢分
勤王誰肯顧元勲
不知征伐由天子
唯許英雄共使君
江上戰餘陵是谷
渡頭春在草連雲
分明勝敗無尋處
空聽漁歌到夕曛

東晉

五陵豪俠笑爲儒，將爲儒生只讀書。
看取不成投筆後，謝安功業復何如？

秦國金陵王氣全，一龍正道始東遷。
興亡竟不關人事，虛倚長淮五百年。

春夕

一本下有
旅懷二字

水流花謝兩無情，送盡東風過楚城。
胡蝶夢中家萬里，

子規一作杜鵑枝上月三更。
故園書動經年絕，一作多別華

髮春唯

一作移

滿鏡

一作兩鬢

生自是不歸歸便得五湖煙景

有誰爭

澗松

寸寸凌霜長勁條
路人猶笑未干霄
南園桃李雖堪羨
爭奈春殘又寂寥

湘中弦

一作謠

蒼山遙遙江潏潏
路傍老盡沒

一作無

閒

一作問

人王孫不

見草空綠惆悵渡頭春復春

煙愁雨細雲冥冥杜蘭香老三湘清故山望斷不知處

鷓鴣

一作鷓鴣

隔花時一聲

續紀漢武

一作讀漢武內傳

分明三鳥下儲胥一覺釣天夢不如爭那白頭方士到
茂陵紅葉已蕭疎

隴上逢江南故人

三聲戍角邊城暮萬里鄉心塞草春莫學少年輕遠別
隴關西少向東人

夷

一作巴

陵夜泊

家依楚塞窮秋別身逐孤舟萬里行一曲巴歌半江月
便應消得二毛生

櫓聲

煙外橈聲遠天涯幽夢迴爭知江上客不是故鄉來

海棠圖

海棠花底三年客

一作住

不見

一作覺

海棠花盛開却向江

南看

一作見

圖畫始慙虛到蜀城來

雲

得路直爲霖濟物不然閒共鶴忘機無端却向陽臺畔
長送襄王暮雨歸

過二妃廟

殘陽楚水畔獨弔舜時人不及廟前草至今江上春

送友人

登高迎送遠春恨併依依不得滄洲信空看白鶴歸

聲

歡戚猶來恨不平此中高下本無情韓娥絕唱唐衢哭
盡是人間第一聲

放鷓鴣

一作
灘鷓鴣

秋入池塘風露微曉開籠檻看初飛滿身金翠畫不得
無限煙波何處歸

泉

遠辭巖竇瀉潺潺靜拂雲根別故山可惜寒聲留不得
旋添波浪向人間

巫山旅別

五千里外三年客
十二峰前一望秋
無限別魂招不得
夕陽西下水東流

幽蘭

幽植衆寧

一作能

知芬芳只暗持
自無君子佩
未是國香

衰白露霑長早春風

一作青春

到每遲不如一作知當路草芬

馥欲何爲

讀庾信集

四朝十帝盡風流
建業長安兩醉遊
唯有一篇楊柳曲
江南江北爲君愁

過繡嶺宮

古殿春殘綠野陰
上皇曾此駐泥金
三城帳屬升平夢
一曲鈴關悵望心
苑路暗迷香輦絕
繚垣秋斷草煙深
前朝舊物東流在
猶爲年年下翠岑

巴山道中除夜書懷

迢遞三巴路
羈危萬里身
亂山殘雪夜
孤燭異鄉春
漸

與骨肉遠轉於僮僕親那堪正漂泊明日歲華新

題淨衆寺古松

百尺森疎倚梵臺昔人誰見此初栽故園未有偏堪戀
浮世如閒即合來天暝豈分蒼翠色歲寒應識棟梁材
清陰可惜不駐一作嗟得歸去暮城空首回

折楊柳

朝朝車馬如蓬轉處處江山待客歸若使人間少離別
楊花應合過春飛

七夕

年年七夕渡瑤軒誰道秋期有淚痕自是人間一週歲
何妨天上只黃昏

泛楚江

九重城外家書遠百里洲前客棹還金印碧幢如見問
一生安穩是長閒

初過漢江

襄陽好向峴亭看人物蕭條值歲闌爲報習家多置酒

夜來風雪過江寒

題授陽鎮路

越鳥巢邊溪路斷秦人耕處洞門開
小桃花發春風起
千里江山一夢回

初識梅花

江北不如南地暖江南好斷北人腸
燕脂桃頰梨花粉
共作寒梅一面粧

江雨望花

細雨滿江春水漲好風留客野梅香避秦不是無歸意
一度逢花一斷腸

御定全唐詩卷六百七十九

欽定四庫全書薈要卷一萬八千八十五

集部

御定全唐詩卷六百八十

韓偓

韓偓字致光

一作堯

京兆萬年人龍紀元年擢進士第佐

河中幕府召拜左拾遺累遷諫議大夫歷翰林學士中

書舍人兵部侍郎以不附朱全忠貶濮州司馬再貶榮

懿尉徙鄧州司馬天祐二年復原官偓不赴召南依王

審知而卒翰林集一卷香齋集三卷今合編四卷

雨後月中玉堂閒坐

銀臺直北金鑾外暑雨初晴皓月中唯對松篁聽刻漏

一作漏刻

更無塵土翳虛空綠香熨齒水盤果清冷侵肌水

殿風夜久忽聞鈴索動玉堂西畔響丁東

禁署嚴密非本院人雖有

公事不敢遽入至於內夫人宣事亦先引鈴每有文書即內臣立於門外鈴聲動本院小判官出受受訖授院使授學士

六月十七日召對自辰及申方歸本院

清暑簾開散異香恩深咫尺對龍章花應洞裏尋常

一作

時常發日向壺中特地長坐久忽疑一作驚槎犯斗歸來兼

恐海生桑如今冷笑東方朔唯有詼諧侍漢皇

與吳子華侍郎同年玉堂同直懷恩一作昔叙懇

因成長句四韻兼呈諸同年

往年鶯谷接清塵今日鼇山作侍臣二紀計偕勞筆研

余與子華俱久困名場一朝宣入掌絲綸聲名烜赫文章士金紫

雍容富貴身絳帳恩深無路報一作報路語餘相顧却酸辛

和吳子華侍郎令狐昭化舍人歎白菊衰謝之

絕次用本韻

正憐香雪披

一作飛

千片忽訝殘霞覆一叢

此花將謝還却有紅色

似妖姬長年後酒酣雙臉却微紅

中秋禁直

星斗疎明禁漏殘
紫泥封後獨凭闌
露和玉屑金盤冷
月射珠光貝闕寒
天襯樓臺籠苑外
風吹歌管下雲端
長卿祇為長門賦
未識君臣際會難

侍宴

蠶黃蝶粉兩依依
狎宴臨春日正遲
密旨不教江令醉

麗華

一作貴妃

微笑認皇慈

錫宴日作

是歲大稔內出金幣賜百官充觀稼宴學士院別賜越綾百匹委京局句

當後宰相一日

宴於興化亭

玉銜花馬蹋香

一作天

街詔遣追歡綺席開中使押從天

上去

是日在外四學士排門齊入同進狀辭赴宴所奉宣差學士院使二人押去

外人知自

日邊來臣心淨比漪漣水聖澤深於激灑杯纔有異恩

頒稷契已將優禮及鄒枚清商適

一作迴

向梨園降妙妓

新行峽雨迴不敢通宵離禁直晚乘殘醉入銀臺

當直學士

二人至晚學士院使二人却押入直餘四人在外可以卜夜內臣去外知熟間丞郎給舍多來筵宴余是日當直故有是句

宮柳

莫道秋來芳意違宮娃猶似妬蛾眉幸當玉輦經過處
不怕金風浩蕩時草色長承垂地葉日華先動映樓枝
澗松亦有凌雲分爭似移根太液池

苑中

上苑離宮處處迷，相風高與露盤齊。金階鑄出狻猊立。

玉樹雕成狒狒。

一作狒狒，一作翡翠。

啼外使調鷹，初得按。

五方外按使以

鷹隼

初調習始能擒獲謂之得按

中官過馬不教嘶。

上每乘馬必閤官馭以進謂之過馬

既乘之而後

笙歌錦繡雲霄裏，獨許詞臣醉似泥。

從獵三首

獵犬諳斜路，宮嬪識認

一作畫

旗馬前雙兔起。

一作走

宣爾

一作示羽林兒

小鎗狹鞦

一作鞭

鞘鞍輕妓細腰，有時齊走馬也學唱交。

交

蹀躞巴陵

一作馬

駿羗毳碧野雞忽聞仙樂動賜酒玉偏

提

辛酉歲冬十一月隨駕幸岐下作

曳裾談笑殿西頭忽聽征鐃從冕旒鳳蓋行時移紫氣
鸞旗駐處認皇州曉題御服頒羣吏夜發宮嬪詔列侯
雨露涵濡三百載不知誰擬殺身酬

冬至夜作

天復二年壬戌
隨駕在鳳翔府

中宵忽見動葭灰料得南枝有早梅四野便應枯草綠
九重先覺凍雲開陰冰莫向河源塞陽氣今從地底迴
不道慘舒無定分却憂蚊響又成雷

秋霖夜憶家

隨駕在鳳翔府

垂老何時見弟兄背燈愁

一作悲

泣到天明不知短髮能

多少一滴秋霖白一莖

恩賜櫻桃分寄朝士

在岐下

未許鶯偷出漢宮上林初進半金籠蔗漿自透銀杯冷

朱實相輝玉腕紅俱有亂離終日恨貴將滋味片時同
霜威食檠應難近宜在紗窗繡戶中

出官經硤石縣

天復三年二月二十二日

謫官過東畿所抵州名濮

是月十一日
貶濮州司馬

故里欲清明臨

風堪慟哭溪長柳似帷山暖花如醖逆旅訝簪裾

南路以久

無儒服經過
皆相聚悲喜

野老悲陵谷暝鳥影連翩驚狐尾蠢蠢

一作

邀尚得佐方州信是皇恩沐

訪同年虞部李郎中

天復四年二月在湖南

策蹇相尋犯雪泥，厨烟未動日平西。
門庭野水襍禔鷺，鄰里短牆咿喔雞。
未入慶霄君擇肉，畏逢華轂我吹齏。
地爐貰酒成狂醉，更覺襟懷得喪齊。

贈漁者

在湖南

箇儂居處近誅茅，枳棘籬兼用荻梢。
盡日風扉從自掩，無人筒釣是誰拋。
城方四面牆陰直，江濶中心水脈坳。
我亦好閒求老伴，莫嫌遷客且論交。

春陰獨酌寄同年虞部李郎中

在湖南

春陰漠漠土脈潤春寒微微風意

一作氣

和閒啜入甲奔

競態醉唱落調漁樵歌詩道揣量疑可進官情利缺轉
無多酒酣狂興依然在其奈千莖鬢雪何

奉和峽州孫舍人肇荆南重圍中寄諸朝士二

篇時李常侍洵嚴諫議龜李起居殷衡李郎中

冉皆有繼和余久有是債今至湖南方暇率課

敏手何妨誤汰金敢懷私忿數羊斟直應宣室還三接
未必豐城便陸沉熾炭一爐真玉性濃霜千澗老松心

私恩尚有捐軀誓況是君恩萬倍深

征途安敢更遷延冒入重圍勢使然衆果却應存苦李
五瓶惟恐竭甘泉多端莫撼三珠樹密策尋遺七寶鞭
黃篋舫中梅雨裏野人無事日高眠

雪中過重湖信筆偶題

一作成

道方時險擬如何謫去甘心隱薜蘿青草湖將天暗合
白頭浪與雪相和旗亭臘耐踰年熟水國春寒一作帆向
晚多處困不忙仍不怨醉來惟是欲傚傚

寄湖南從事

索寞襟懷酒半醒
無人一為解餘醒
岸頭柳色春將盡
船背雨聲天欲明
去國正悲同旅雁
隔江何忍更啼鶯
蓮花幕下風流客
試與溫存譴逐情

翫水禽

在古南醴陵縣作

兩雨珍禽渺渺溪
翠衿紅掌淨無泥
向陽眠處莎成毯
蹋水飛時浪作梯
依倚雕梁輕社燕
抑揚金距笑晨雞
勸君細認漁翁意
莫遣絙羅誤穩棲

早翫雪梅有懷親屬

北陸候纔變南枝花已開
無人同悵望把酒獨裴回
凍白雪為伴寒香風是媒
何因逢越使腸斷謫仙才

欲明

欲明籬被風吹倒過午門
因客到開忍苦可能遭鬼笑
息機應免致鷗猜岳僧互乞新詩去
酒保頻徵舊債來
惟有狂吟與沈飲時時猶自觸靈臺

梅花

梅花不肖傍春光自向深冬著

一作有

豔陽龍笛遠吹胡

地月燕釵初試漢宮妝風雖强暴翻添思雪欲侵凌更
助香應笑暫時桃李樹盜天和氣作年芳

小隱

借得茅齋岳麓西擬將身世老鋤犁清晨向市烟含郭
寒夜歸村月照溪爐為窗明僧偶坐松因雪折鳥驚啼
靈椿朝菌由来事却笑莊生始欲齊

曛黑

古木侵天日已沈
露華涼冷潤衣襟
江城曛黑人行一作
絕唯有啼鳥伴夜碁

曉日

天際霞光入水中
水中天際一時紅
直須日觀三更後

日觀峰半
夜見日

首送金烏上碧空

醉著

萬里清江萬里天
一村桑柘一作花柳
一村烟
漁翁醉著無

人喚過午醒來雪滿船

柳

一籠金線拂彎橋
幾被兒童損細腰
無奈靈和標格在
春風依舊裏長條

病中初聞復官二首

抽毫連夜侍明光
執戟三年從省方
燒玉謾勞曾歷試
鑠金寧為欠周防
也知恩澤招讒口
還痛神祇誤直腸
聞道復官翻涕泗
屬車何在水茫茫

又挂朝衣一自驚
始知天意重推誠
青雲有路通還去

白髮無私健亦生曾避暖池將浴鳳却同寒谷乍遷鶯
宦途巖嶮終難測穩泊漁舟隱姓名

早起五言三韻

萬樹綠楊垂千般黃鳥語庭花風雨餘岑寂如村塢依
依官渡頭晴陽照行旅

家書後批二十八字

在醴陵時聞家在登州

四序風光總是愁鬢毛衰颯涕橫

一作還

流此書未到心

先到想在一

一作見

孤城海岸頭

湖南梅花一冬再發偶題於花援

湘浦梅花兩度開，直應天意別栽培。
玉為通體依稀見，香號返魂容易迴。
寒氣與君霜裏退，陽和為爾臘前來。
夭桃莫倚東風勢，調鼎何曾用不材。

即目

一作日

二首

萬古離懷憎物色，幾生愁緒溺風光。
廢城沃土肥春草，野渡空船蕩夕陽。
倚道向人多脈脈，為情因酒易悵悵。
宦途棄擲須甘分，迴避紅塵是所長。

動非求進靜非禪
咋舌吞聲過十年
溪漲浪花如積石
雨晴雲葉似連錢
干戈歲久諳戎事
枕簟秋涼減夜眠
攻苦慣來無不可
寸心如水但澄鮮

淨興寺杜鵑一枝繁豔無比

一園紅豔醉坡陀
自地

一作帶

連梢簇萼羅蜀魄
未歸長

滴血祇應偏滴此
叢多

花時與錢尊師同醉因成二十字

橋下淺深水竹間紅
白花酒仙同避世
何用厭長沙

避地

西山爽氣生襟袖
南浦離愁入夢魂
人泊孤舟青草岸
鳥鳴高樹夕陽村
偷生亦似符天意
未死深疑負國恩
白面兒郎猶巧宦
不知誰與正乾坤

息兵

漸覺人心望息兵
老儒希覲見澄清
正當困辱殊輕死
已過艱危却戀生
多難始應彰勁節
至公安肯爲虛名
暫時勝下何須恥
自有蒼蒼鑒赤誠

翠碧鳥

以上竝在醴陵作

天長水遠

一作濶

網羅稀保得重重翠碧

一作羽

衣挾彈小

兒多害物勸君莫近市朝

一作五陵

飛

贈孫仁本尊師

在袁州

齒如冰雪髮如鬢幾百年來醉似泥不共世人爭得失

卧床前有上天梯

乙丑歲九月在蕭灘鎮駐泊兩月忽得商馬

一本

無此二字

楊迢員外書賀余復除戎曹依舊承旨還

緘後因書四十字

旅寓在江郊秋風正寂寥紫泥虛寵獎白髮已漁樵事
往淒涼在時危志氣銷若為將朽質猶擬杖於朝

丙寅二月二十二日撫州如歸館雨中有懷

一作

簡諸朝客

悽悽惻惻又微嚔欲話羈愁

一作遊

憶故人薄酒旋醒寒

徹夜好花虛謝雨藏春萍蓬已恨

一作自憐海上

為逋客江嶺

那知見

一作猶喜天涯寄

侍臣未必交情繫貧富柴

一作蓬

門自

古少車塵

三月二十七日自撫州往南城縣舟行見拂水
薔薇因有是作

江中春雨波浪肥石上野花枝葉瘦枝低波高如有情
浪去枝留如力鬪綠刺紅房戰裏時吳娃越豔醺酣後
且將濁酒伴清吟酒逸吟狂輕宇宙

荔枝三首

丙寅年秋到福州
自此後竝福州作

遐方不許貢珍奇密詔唯教進荔枝漢武碧桃爭比得

枉令方朔號偷兒

封開玉籠雞冠溼

一作溼

葉襯金盤鶴頂鮮想得佳人微

啟

一作露

齒翠釵先取一雙

一作枝懸

巧裁霞

一作絳

片裏神漿崖蜜天然有異香應是仙人金

掌露結成冰入舊羅囊

寄上兄長

兩地支離路八千襟懷悽愴鬢蒼然亂來未必長團會

一作聚其奈而今更長年

寶劍

困極還應有甚

一作日

通難將糞壤

一作塵土

掩神蹤斗間紫

氣分明後擘地成川看化龍

一作但教出得豐城後不是延津亦化龍

登南神光寺塲院

一本題作登南臺僧寺

無奈離腸日

一作易

九迴強攄離抱立高臺中華地向城

邊盡外國雲從島上來四序有花長見雨一冬無雪却

聞雷日

一作南

宮紫氣生冠冕

一作益

試望扶桑病眼開

兩賢

賣卜嚴將賣餅孫兩賢高趣恐難倫而今若有逃名者

應被品流呼差

一作人

再思

暴殄猶來是片時無人向此略遲疑
流金鑠石玉長潤敗柳凋花松不知
但保行藏天是證莫矜纖巧鬼難欺
近來更得窮經力好事臨行亦再思

有矚

晚涼閒步向江亭默默看書旋旋行
風轉滯帆狂得勢

潮來諸水寂無聲誰將覆轍詢長策願把棼絲屬老成
安石本懷經濟意何妨一起為蒼生

秋深閒興

此心兼笑野雲忙甘得貧閒味甚長病起乍嘗新橘柚
秋深初換舊衣裳晴來喜鵲無窮語雨後寒花特地香
把釣覆棋兼舉白不離名教可顛狂

故都

故都遙想草萋萋上帝深疑亦自迷塞雁已侵池籞宿

宮鴉猶戀女牆啼天涯烈士空垂涕地下強魂必噬臍
掩鼻計成終不覺馮驩無路數鳴雞

夢仙

紫霄宮闕五雲芝九級壇前再拜時鶴舞鹿眠春草遠
山高水濶夕陽遲每嗟阮肇歸何速深羨張騫去不疑
澡練純陽功力在此心惟有玉皇知

贈吳顛尊師

丙寅
年作

飲酒經何代休糧度此生跡應常自浼顛亦強為名道

若干鈞重身如一羽輕毫釐分象緯袒跣捐一作公卿

狗竇號光逸漁陽裸襴衡笑雷冬蟄震巖電夜珠明月

魄

一作滑

侵簪

一作簷

冷江光逼

一作映

屐清半酣思救世一

手擬扶傾擊地嗟衰俗看天貯不平自緣懷氣義可是

計烹烹議論通三教年顏稱五更老狂人不厭密行鬼

應驚未識心相許開襟語便誠伊余常仗義願拜十年

兄

送人棄官入道

仙李濃陰潤皇枝密葉敷俊才輕折桂捷徑取紆朱斷
紲三清路揚鞭五達衢側身期破的縮手待呼盧社稷
俄如綴雄豪詎守株忸怩非壯志擺脫是良圖塵土留
難住纓綈棄若無冥心歸大道回首笑吾徒酒律應難
忘詩魔未肯徂他年如拔宅為我指清都


御定全唐詩卷六百八十

謹案卷六百七十九第四頁前七行清鏡不能照

按別本能作忍

第十五頁前六行重吟鸚鵡益堪哀按別本吟作

臨



總校官庶吉士臣張能照

校對官檢討臣蕭九成

校對官庶吉士臣許兆椿

謄錄舉人臣張昱

謄錄監生臣馬植基

欽定四庫全書薈要卷一萬八千八十六

集部

御定全唐詩卷六百八十一

韓偓

感事三十四韻

丁卯
已後



殿承恩歲金鑒入直年人歸三島路日過八花塼鴛

鷺皆迴席舉夔亦慕羶慶霄舒羽翼塵世有神仙雖遇
河清聖慙非岳降賢皇慈容散拙公議逼陶甄江總參
文會陳暄侍狎筵腐儒親帝座太史認星躔側弁聆神

算濡毫俟密宣宮司持玉研書省擘香箋

宮司書省皆
宮人職名

惟理心無黨憐才膝屢前焦勞皆實錄宵旰豈虛傳始

議新堯厯將期整舜弦

上自出東內幽辱勵心庶政延
接丞相之暇日在直學士詢以

理道將
致升平

去梯言必盡仄席意彌堅上相思懲惡中人詎

省憊鹿窮惟觝觸兔急且獬豸本是謀賒死因之致劫

遷氛霾言下合日月暗中懸恭顯誠甘罪韋平亦恃權

畏聞巢幕險寧寤積薪然諒直尋鉗口奸纖益比肩晉

讒終不解魯瘠竟難痊祗擬誅黃皓何曾識霸先嗾獒

翻醜正養虎欲求全萬乘烟塵裏千官劒戟邊斗魁當
北圻地軸向西偏袁董非徒爾師昭豈偶然中原成劫
火東海遂桑田濺血慙嵇紹遲行笑褚淵四夷同效順
一命敢虛捐山岳還青聳穹蒼舊碧鮮獨夫長啜泣多
士已忘筌鬱鬱空狂叫微微幾病癲丹梯倚寥廓終去
問青天

向隅

守道得途遲中兼遇亂離剛腸成繞指玄髮轉垂絲客

路少安處病牀無穩時弟兄消息絕獨斂向隅者

社後

社後重陽近雲天澹薄間目隨棊客靜心共睡僧閒歸
鳥城銜日殘虹雨在山寂寥思晤語何夕欸柴關

息慮

息慮狎羣鷗行藏合自由春寒宜酒病夜雨入鄉愁道
向危時見官因亂世休外人相待淺獨說濟川舟

早起探春

勾芒一夜長精神
臘後風頭已見春
烟柳半眠藏利臉
雪梅含笑綻香脣
漸因閒暇思量酒
必怨顛狂泥摸人
若箇高情能似我
且應歌枕睡清晨

味道

如含瓦礫竟何功
癡黠相兼似得中
心繫是非徒悵望
事湏光景旋虛空
升沉不定都如夢
毀譽無恒却要聾
弋者甚多應扼腕
任他閒處指冥鴻

秋郊閒望有感

楓葉微紅近有霜碧雲秋色滿吳鄉魚衝駭浪雪鱗健

鴉閃夕

一作殘

陽金背光心為感恩長慘感鬚緣經亂早

蒼浪可憐廣武山前語楚漢寧

一作虛

教作戰場

李太舍池上玩紅薇醉題

花低池小水平萍花落池心片片輕醕酖不能羞白鬢

顛狂猶自睠紅英乍為旅客顏常厚每見同人眼暫明

京洛園林

一作林園

歸未得天涯相顧一含情

余寓汀州沙縣病中聞前鄭左丞璘隨外鎮舉

薦赴洛兼云繼有急徵旋見脂轄因作七言四
韻戲以贈之或冀其感悟也

年已巳

莫恨當年入用遲通材何處不逢知桑田變後新舟楫
華表歸來舊路歧公幹寂寥甘坐廢子年歡忤促行期
移都已改侯王第惆悵沙堤別築基

又一絕請為申達京洛親交知余病廢

鬢惹新霜耳舊聾眼昏腰曲四肢風交親若要知形候
嵐嶂烟中折臂翁

夢中作

紫宸初啟列鴛鴦直向龍墀對揖班
九曜再新環北極萬方依舊祝南山
禮容肅睦纓綏外和氣熏蒸劔履間
扇合却循黃道退廟堂談笑百司閒

己巳年正月十二日自沙縣抵邵武軍將謀撫
信之行到纔一夕為閩相急脚相召却請赴沙
縣郊外泊船偶成一篇

訪戴船迴郊外泊故鄉何處望天涯
半明半暗山村日

自落自開江廟花數醺綠醅桑落酒一甌香沫火煎茶

句缺二

建谿灘波心目驚眩余平生溺竒境今則畏怯
不暇因書二十八字

長貪山水羨漁樵自笑揚鞭趁早朝今日建谿驚恐後
李將軍畫也須燒

自沙縣抵龍

一作尤

溪縣值泉州軍過後村落皆

空因有一絕

此後庚午年

水自潺湲日自斜
盡無雞犬有鳴鴉
千村萬落如寒食
不見人烟空見花

此翁

此翁在
桃林場

高閣群公莫忌儂
儂心不在宦名中
嚴光一唾垂綵紫
何屑三遺大帶紅
金勁任從千口鑠
玉寒曾試幾爐烘
惟應鬼眼兼天眼
窺見行藏信此翁

失鶴

正憐標格出華亭
況是昂藏入相經
碧落順風初得志

故巢因雨却聞腥幾時翔集來華表每日沉吟看畫屏
為報雞羣虛嫉妬紅塵向上有青冥

卜隱

屏跡還應減

一作識

是非却憂藍玉又光輝桑梢出舍蠶

初老柳絮蓋溪魚正肥世亂豈容長愜意景清還覺易
忘機世間華美無心問藜藿充腸芋作衣

晨興

一作起

曉景山河爽閒居巷陌清已能消滯念兼得散餘醒汲

水人初起迴燈燕暫驚放懷殊未

一作不

足圓隙已塵生

暴雨

電尾燒黑雲雨脚飛銀線急點濺池心微烟昏水面氣
涼氛侵消暑退松篁健叢蓼亞頽茸擎荷翻綠扇風期
誰與同逸趣余探徧欲去更遲留胃中久交戰

山院避暑

行樂江郊外追涼山寺中靜陰生晚綠寂慮延清風運
塞地維窄氣蘇天宇空何人識幽抱目送冥冥鴻

閒興

景寂有玄味，韻高無俗情。
他山冰雪解，此水波瀾生。
影重驗花密，滴稀知酒清。
忙人常擾擾，安得心和平。

漫作二首

暑雨灑和氣，香風吹日華。
瞬龍驚汗漫，翥鳳綵雲霞。
懸圃珠為樹，天池玉作砂。
丹青能幾級，何必待乘槎。
泰谷純陽入，鸞霄瑞彩生。
岳靈分正氣，仙衛借神兵。
汚俗迎風變，虛懷遇物傾。
千鈞將一羽，輕重在平衡。

騰騰

八年流落醉騰騰
點檢行藏喜不勝
烏帽素餐兼施藥

前生

一作身

多恐是醫僧

寄隱者

烟郭雲扃路不遙
懷賢猶恨太迢迢
長松夜落釵千股
小港春添水半腰
已約病身拋印綬
不嫌門巷似一作是
漁樵渭濱晦迹南陽卧
若比吾徒更寂寥

閒居

厭聞趨競喜閒居自種蕪菁亦自鋤麋鹿跳梁憂觸撥
鷹鷂搏擊恐麤疎拙謀却為多循理所短深慙盡信書
刀尺不虧繩墨在莫疑張翰戀鱸魚

僧影

山色依然僧已亡竹間疎磬隔殘陽智燈已滅餘空燼
猶自光明照十方

洞庭玩月

洞庭湖上清秋月月皎湖寬萬頃霜玉腕深沈潭底白

金杯細碎浪頭光
寒驚烏鵲離巢噪
冷射蛟螭換窟藏
更憶瑤臺逢此夜
水晶宮殿挹瓊漿

贈隱逸

靜景須教靜

一作隱

者尋清狂何必在山陰
逢鯀穿窗紙塵

侵研鳥鬪庭花露
滴琴莫

一作方

笑亂離方

一作纔

解印猶

勝顛蹶未抽簪
築金總

一作所
一作誘

得非名士況是無人解

築金

南浦

月若半環雲若吐高樓簾捲當南浦應是石城

磯一作

艇

子來兩漿咿啞過花塢正值連宵酒未醒不宜此際兼
微雨直教筆底有文星亦應難狀分明苦

桃林場客舍之前有池半畝木槿櫛比闕水遮
山因命僕夫運斤梳沐豁然清朗復覩太虛因

作五言八韻

一本題下有以記之三字

插槿作藩籬叢生覆小池為能妨遠目因遣去閒枝鄰
叟偷來賞棲禽欲下疑虛空無障處蒙蔽有開時葦鷺

憐瀟灑泥鰯畏日

一作赫

曦稍寬春水面盡見晚山眉岸

穩人偷

一作垂

釣階明日上基

一作基

世間多弊

一作少

事事

事要良醫

中秋寄楊學士

一作中秋永夕奉寄楊學士兄弟

鱗差甲子漸衰遲依舊年年困亂離八月夜長鄉思切
鬢邊添得幾莖絲

寄禪師

他心明與此心同妙用忘言理暗通氣運陰陽成世界

水浮天地寄虛空
劫灰聚散鎗銖黑
日御奔馳繭栗紅
萬物盡遭風鼓動
唯應禪室靜無風

清興

陰沈天氣連翩醉
摘索花枝料峭寒
擁鼻繞廊吟看雨
不知遺却竹皮冠

深院

鵲兒啞啞梳黃紫
鳳子輕盈膩粉腰
深院下簾人晝寢

紅薔薇架

映

一作

碧芭蕉

淒淒

深將寵辱齊
往往亦淒淒
白日知丹抱
青雲有舊蹊
嗜鹹凌魯濟
惡潔助涇泥
風雨今如晦
堪憐報曉雞

火蛾

陽光不照臨
積陰生此類
非無惜死心
奈有滅明一作趨炎

意妝一作鬚
穿粉燄焦翅
撲蘭膏沸為
爾一傷嗟自
棄非

天棄

信筆

春風狂似虎春浪白於鵝柳密藏烟易松長見日多石
崖一作生涯采芝叟鄉俗摘茶歌道在無伊鬱天將奈爾何

雷公

閒人倚柱笑雷公又向深山霹怪松
必若有蘇天下意何如驚起武侯龍

船頭

兩岸綠蕪齊似翦掩映雲山相向晚
船頭獨立望長空日豔波光逼人眼

喜涼

爐炭燒人百疾生，鳳狂龍躁減心情。
四山毒瘴乾坤濁，一簟涼風世界清。
楚調忽驚淒玉柱，漢宮應已涇金莖。
豪強頓息蛙肩吻，爽利重新鶻眼睛。
穩想海槎朝犯斗，健思胡馬夜翻營。
東南亦是中華一作原，分蒸鬱相凌太不平。

天鑒

何勞謔笑學趨時，務實清修勝用機。
猛虎十年搖尾立，

蒼鷹一旦醒心飛神依正道終潛衛天鑒衷腸競不違
事歷艱難人始重九層成後喜從微

江岸閒步

此後壬申年
作在南安縣

一手攜書一杖筇出門何處覓情通立談禪客傳心印
坐睡漁師著背蓬青布旗誇千日酒白頭浪吼半江風
淮陰市裏人相見盡道途窮未必窮

野塘

侵曉乘涼偶獨來不因魚躍見萍開卷荷忽被微風觸

瀉下清香露一杯

余卧病深村聞一二郎官今稱繼使閩越笑余
迂古潛於異鄉聞之因成此篇

枕流方采北山薇驛騎交迎市道兒霧豹祗憂無石室
泥鰌唯要有洿池不羞莽卓黃金印却笑羲皇白接羅
莫負美名書信史清風埽地更無遺

安貧

手風慵

一作難

展一行書眼暗休尋九局圖窗裏

一作外

日

光飛野馬案頭

一作前

筠管長蒲盧謀身拙為安蛇足報

國危曾捋虎鬚舉世可能無默識未知誰擬試齊竽

殘春旅舍

旅舍殘春宿雨晴恍然心地憶咸京樹頭逢蠅抱花鬚落
池面魚吹柳絮行禪伏詩魔歸淨域酒衝愁陣出奇兵
兩梁免被塵埃污拂拭朝簪待眼明

鵲

偏承雨露潤毛衣黑白分明衆所知高處營巢親鳳闕

一作
閣 靜時閒語上龍墀化為金印新祥瑞飛向銀河舊

路岐莫怪天涯棲不穩託身須是萬年枝

露

鶴非一作飛千歲飲猶難鶯舌偷含豈自安先溼最宜叢

菊亞蕩搖無柰綠荷乾名因霈澤隨天睠分與濃霜保
歲寒五色呈祥須得處戛雲仙掌有金盤

贈僧

盡說歸山避戰塵幾人終有別囂氛餅添澗水盛將月

衲挂松枝惹得雲三接舊承前席遇一靈今用戒香熏
相逢莫話金鑾事觸撥傷心不願聞

感舊

省趨弘閣侍貂璫指座深恩刻寸腸秦苑已荒空逝水
楚天無恨更斜陽時昏却笑朱弦直事過方聞鎖骨香
入室故寮流落盡路人惆悵見靈光

八月六日作四首

日離黃道十年昏敏手重開造化門火帝動爐銷劍戟

風師吹雨洗乾坤左牽犬馬誠難測右袒簪纓最負恩
丹筆不知誰定罪莫留遺跡怨神孫

金虎挺災不復論構成狂獠犯車塵御衣空惜侍中血
國璽幾危皇后身圖霸未能知盜道飾非唯欲害仁人
黃旗紫氣今仍舊免使老臣攀畫輪

簪裾皆是漢公卿盡作鋒鏑劍血腥顯負舊恩歸亂主
難教新國用輕刑穴中狡兔終湏盡井上嬰兒豈自寧
底事亦疑懲未了更應書罪在泉扃

坐看包藏負國恩，無才不得預經綸。
袁安墜睫尋憂漢，賈誼濡毫但過秦。
威鳳鬼應遮矢射，靈犀天與隔埃塵。
隄防瓜李能終始，免媿於心負此身。

驛步

癸酉年在
南安縣

暫息征車病眼開，況穿松竹入樓臺。
江流燈影向東去，樹遞雨聲從北來。
物近劉輿招垢膩，風經庾亮污塵埃。
高情自古多惆悵，賴有南華養不材。

訪隱者遇沈醉書其門而歸

曉入江村覓釣翁
釣翁沉醉酒缸空
夜來風起閒花落
狼藉柴門鳥徑中

疎雨

疎雨從東送疾雷
小亭涼氣淨莓苔
卷簾燕子穿人去
洗斫魚兒觸手來
但欲進賢求上賞
惟將拯溺作良媒
戎衣一挂清天下
傳野非無濟世才

南安寓止

此地三年偶寄家
枳籬茅廡

一作屋

共桑麻蝶矜翅暖徐

窺草逢蠶倚身輕凝

去聲

看花天近函關屯瑞氣水侵吳甸

浸晴霞豈知卜肆嚴夫子潛指星機認海槎

十月七日早起作時氣疾初愈

疾愈身輕覺數通山無嵐瘴海無風陽精欲出

一作去

陰

精落天地包含紫氣中

有感

堅辭羽葆與吹鐃翻向天涯困繫匏故老未曾忘炙背

何人終擬問苞茅融風漸暖將迴雁

一作淅

水猶腥近

斬蛟萬里關山如咫尺女牀唯待鳳歸巢

觀鬪雞

一作雞鬪

偶作

何曾解報稻梁恩金距花冠氣遏雲白日梟鳴

一作梟鳴

無

意問唯將芥羽害同羣

蜻蜓

碧玉眼睛雲母翅輕於粉蝶瘦於蜂坐來迎

一作并

拂波

光久豈

一作可

是殷勤為

一作戀

蓼叢

即目

書牆暗記移花日洗甕先知醞酒期
須信間人有忙事
早來衝雨覓漁師

寄鄰莊道侶

聞說經旬不啓關藥窗誰伴醉開顏
夜來雪壓村前竹
賸見溪南幾尺山

初赴期集

輕寒著背雨淒淒九陌無塵未有泥
還是平時舊滋味
慢垂鞭袖過街西

惜花

皺

一作耗

白離情高處切膩香

一作紅

愁態靜中深眼隨片

片沿流去恨滿枝枝被雨淋

一作侵

總得苔遮猶慰意若

教泥污更傷心臨軒

一作階

一醺悲春酒明日池塘是綠

陰

半醉

水向東流竟不迴紅顏白髮遞相催壯心暗逐高歌盡
往事空因半醉來雲護雁霜籠澹月雨連鶯曉落殘梅

西樓悵望芳菲節處處斜陽草似苔

春盡

惜春連日醉昏昏醒後衣裳見酒痕細水浮

一作漾

花歸

別澗

一作浦

斷雲含雨入孤村人間易有

一作得

芳時恨地

勝

一作迴

難招自古魂慙媿流鶯相厚意清晨猶為到西

園

睡起

睡起牆陰下藥闌瓦松花白閉柴關斷年不出僧嫌癖

逐日無機鶴伴閒塵土莫尋行止處烟波長在夢魂間
終撐舴艋稱漁叟賒買湖心一崦山

寄友人

傷時惜別心交加搢頤一向千咨嗟曠野風吹寒食月
廣庭烟著黃昏花長擬醺酣遺世事若為局促問生涯
夫君亦是多情者幾處將愁殢酒家

見別離者因贈之

征人草草盡戎裝征馬蕭蕭立路傍尊酒闌珊將遠別

秋山迤邐

一作逶迤

更斜陽白髭兄弟中年後瘴海程途萬

里長曾向天涯懷此恨見君嗚咽更

一作倍

淒涼

傷亂

岸上花根總倒垂水中花影幾千枝一枝一影寒山裏
野水野花清露時故國幾年猶戰鬪異鄉終日見旌旗
交親流落身羸病誰在誰亡兩不知

南亭

每日在南亭南亭似僧院人語靜先聞鳥啼深不見松

瘦石稜稜山光溪澱澱
澱澱蔓墜長茸島花垂小
簷行簷
隱士冠卧讀先賢傳
更有興來時取琴彈一徧

太平谷中玩水上花

山頭水從雲外落水面花自山中來
一溪紅點我獨惜
幾樹蜜房誰見開應有妖魂隨暮雨
豈無香跡在蒼苔
凝眸不覺斜陽盡
忘逐樵人躡石回

雨

坐來簌簌山風急
山雨隨風暗原隰
樹帶繁聲出竹聞

溪將大點穿籬入餉婦寥翹布領寒牧童擁腫蓑衣溼

此時高味

一作詠

共誰論擁

一作掩

鼻吟詩空佇立

幽獨

幽獨起侵晨山鶯啼更早門巷掩蕭條落花滿芳草煙
和魂共遠春與人同老默默又依依淒然此懷抱

江行

浪撼青山江北岸雲含黑雨日西邊舟人偶語憂風色
行客無聊罷晝眠爭似槐花九衢裏馬蹄安穩慢垂鞭

漢江行次

村寺雖深已暗知，幡竿殘日迴依依。
沙頭有廟青林合，驛步無人白鳥飛。
牧笛自由隨草遠，漁歌得意扣舷歸。
竹園相接春波暖，痛憶家鄉舊釣磯。

偶題

俟時輕進固相妨，實行丹心仗彼蒼。
蕭艾轉肥蘭蕙瘦，可能天亦妬馨香。

湖南絕少含桃偶，有人以新摘者見惠，感事傷

懷因成四韻

時節雖同氣候殊不知堪薦寢園無合充鳳食留三島

誰許鶯偷過五湖苦筍恐難同象匕

泰中為櫻筍之會乃三月也

酪

漿無復瑩蟪珠

湖南無牛酪之味

金鑿歲歲長宣賜忍淚看天

憶帝都

每歲初進之後先宣賜學士

隰州新驛

盛德已圖形胡為忽構兵燎原雖自及誅亂不無名擲
鼠須防誤連雞莫憚驚本期將係虜末策但嬰城肘腋

人情變朝廷物論生果聞荒谷縊旋覩藁街烹帝怒今
方息時危喜暫清始終俱以此天意甚分明

亂後春日途經野塘

世亂他鄉見落梅野塘晴暖獨裴回船衝水鳥飛還住

一作袖拂楊花去却

一作又

來季重舊遊多喪逝子山新

賦極悲哀眼看朝市成陵谷始信昆明是

一作有

劫灰

贈易卜崔江處士

袁州

白首窮經通祕義青山養老度危時門傳組綬身能退

家學漁樵跡更奇四海盡聞龜策妙九霄堪歎鶴書遲
壺中日月將何一作安用借與閒人試一窺

過臨淮故里

交遊昔歲已凋零第宅今來亦變更舊廟荒涼時饗絕
諸孫飢凍一官成五湖竟負他年志百戰空垂異代名
榮盛幾何流落久遣人襟一作懷抱薄浮生

贈湖南李思齊處士

兩板船頭濁酒壺七絛琴畔白髭鬚三春日日黃梅雨

孤客年年青草湖
燕俠冰霜難狎近
楚狂鋒刃觸凡愚
知余絕粒窺仙事
許到名山看藥鑪

御定全唐詩卷六百八十一

欽定四庫全書薈要卷一萬八千八十七

集部

御定全唐詩卷六百八十二

韓偓

亂後却至近甸有感

乙卯年作

狂童容易犯金門比屋齊人作旅魂夜戶不扃生茂草

春渠自溢浸荒園關中忽

一作却

見屯邊卒塞外飜聞有

漢村堪恨無情清渭水渺茫

一作東流

依舊繞秦原

同年前虞部李郎中自長沙赴行在余以紫石

研贈之賦詩代書

斧柯新樣勝珠璣堪贊星郎染翰時不向東垣修直疏
即須西掖草妍詞紫光稱近丹青筆聲韻宜裁錦繡詩
蓬島侍臣今放逐羨君迴去逼龍墀

甲子歲夏五月自長沙抵醴陵貴就深僻以便
疎慵由道林之南步步勝絕去綠口分東入南
小江山水益秀村籬之次忽見紫薇花因思玉
堂及西掖廳前皆植是花遂賦詩四韻聊寄知

心

職在內庭宮闕

一作禁

下廳前皆種紫薇花眼明忽傍漁

家見魂斷方驚魏闕賒淺色暈成宮裏錦濃香染著洞
中霞此行若遇支機石又被君平驗海槎

和王舍人撫州飲席贈韋司空

樓臺掩映入春寒絲竹錚鏦向

一作入

夜闌席上弟兄皆

杞梓花前賓客盡鴛鴦孫弘莫惜頻開閣韓信終期別

築壇削玉風姿官水土黑頭公自

一作相

古來難

避地寒食

避地淹留已自悲，況逢寒食欲霑衣。

一作殘

春孤館人

愁坐斜日空園，花亂飛路遠。

一作辱

漸憂知己少。

一作薄

時

危又與賞心違，一名所繫無窮事。爭敢當年便息機。

山驛

參差西北數行雁，寥落東方幾片雲。疊石小松張水部，
暗山寒雨李將軍。秋花粉黛宜無味，獨鳥笙簧稱靜聞。
瀟灑襟懷遺世慮，驛樓紅葉自紛紛。

早發藍關

關一作開門愁立候雞鳴
搜景馳魂入杳冥
雲外日隨千

里雁山根霜共一潭星
路盤暫

一作偶

見樵人火棧轉時

聞驛使鈴自問辛勤緣底事
半年

一作生

驅馬傍長亭

深村

末句缺四字

甘向

一作老

深村固不材
猶勝挫折傍塵埃
清宵玩月唯

紅葉永日關門但綠苔
幽院菊荒同寂寞
野橋僧去獨

裴回隔籬農叟遙相賀

缺

膏雨來

重遊

一作過

曲江

追尋前事立江汀
漁者應聞太息聲
避客野鷗如有感
損花微雪似無情
疎林自覺長堤在
春水空連古岸平
惆悵引人還到夜
鞭鞘風冷柳煙輕

三月

辛夷纔謝小桃發
蹋青過後寒食前
四時最好是三月
一去不迴惟少年
吳國地遙江接海
漢陵魂斷草連天
新愁舊恨真一作知
無奈須就鄰家甕底眠

秋村

稻壟蓼紅溝水清
荻園葉白秋日明
空坡路細見騎過
遠田人靜聞水行
柴門狼藉牛羊氣
竹塢幽深雞犬聲
絕粒看經香一炷
心知無事即長生

殘花

餘霞殘雪幾多在
薦香冶態猶無窮
黃昏月下惆悵白
清明雨後寥稍一作稍
紅樹底草齊千片
淨牆頭風急數
枝空西園此日傷
心處一曲高歌水
向東

夜船

野雲低迷煙蒼蒼平波揮目如凝霜月明樓上簾幕卷
露重岸頭花木香村遠夜深無火燭江寒坐久換衣裳
誠知不覺天將曙幾簇青山雁一行

傷春

三月光景

一作春光

不忍看五陵春色何摧殘窮途得志反

惆悵飲席話舊多闌珊中酒向陽成美睡惜花衝雨覺

傷

一作輕

寒野棠飛盡蒲根暖寂寞南溪倚釣竿

歸紫閣下

一笈攜歸紫閣峰
馬蹄閒慢水溶溶
黃昏後見山田火
隴臆時聞縣郭鐘
瘦竹迸生僧坐石
野藤纏殺鶴翹松
釣磯自別經秋雨
長得莓苔更幾重

夜坐

天似空江星似波
時時珠露滴圓荷
平生蹤跡慕真隱
此夕襟懷深自多
格是厭厭饒酒病
終湏的的學漁歌
無名無位堪休去
猶擬朝衣換釣蓑

午寢夢江外兄弟

一作午夢
曲江兄弟

長夏居閒門不開繞門青草

一作
堇

絕塵埃空庭日午獨

眠覺旅夢天涯相見迴鬢向此時應有雪心從別

一作
到

處即成灰如何水陸三千里幾月書郵始一來

曲江夜思

鼓聲將絕月斜痕園外閒坊半掩門池裏紅蓮凝

一作
迎

白露苑中青草伴黃昏林塘閒寂偏宜夜烟火稀疏便
似村大抵世間幽獨景最關詩思與離魂

過漢口

濁世清名一概休古今翻覆賸堪愁
年年春浪來巫峽日日殘陽過沔州
居雜商徒偏富庶地多詞客自風流
聯翩半世騰騰過不在漁船即酒樓

惜春

願言未偶非高卧多病無憐心一作心選勝遊一夜雨聲三

月盡萬般人事五更頭年踰弱冠即為老節過清明却似秋應是西園花已落滿溪紅片向東流

及第過堂日作

早隨真侶集蓬瀛
閭闔開尚見星龍
尾樓臺迎曉日
鰲頭宮殿入青冥
暗驚凡骨升仙籍
忽訝麻衣謁相庭
百辟斂容開路看
片時輝赫勝圖形

夏課成感懷

別離終日心忉忉
五湖烟波歸夢勞
淒涼身事夏課畢
濩落生涯秋風高
居世無媒多困躓
昔賢因此亦號咷
誰憐愁苦多衰改
未到潘年有二毛

離家第二日却寄諸兄弟

睡起褰簾日出時
今晨初恨間容輝
千行淚激傍人感
一點心隨健步歸
却望山川空黯黯
迴看僮僕亦依依
定知兄弟高樓上
遙指征途羨鳥飛

遊江南水陸院

早於喧雜是深讎
猶恐行藏墜俗流
高寺嬾為攜酒去
名山長恨送人遊
關河見月空垂淚
風雨看花欲白頭
除却祖師心法外
浮生何處不堪愁

江南送別

江南行止忽相逢
江館棠梨葉正紅
一笑共嗟成往事
半酣相顧似衰翁
關山月皎清風起
送別人歸野渡空
大抵多情應易一作已老
不堪岐路數西東

格卑

格卑嘗恨足牽仍欲學忘

一作無

情似

一作盡

不能入意雲

山輸畫匠動人風
月羨琴僧南朝峻潔推弘景
東晉清狂數季鷹
惆悵後塵流落盡
自拋懷抱醉懵騰

冬日

蕭條古木銜斜日

一作浙

瀝晴寒滯早梅愁處雪烟連

野起靜時風竹過牆來故人每憶心先見新酒偷嘗手
自開景狀入詩兼入盡言情不盡恨無才

再止廟居

去值秋風來值春前時今日共消魂顏垣古栢疑山觀
高柳鳴鴉似水村菜甲未齊初出葉樹陰方合掩重門
幽深凍餒皆推分靜者還應為討論

老將

折槍黃馬倦塵埃掩耳凶徒怕疾雷
雪密酒酣偷號去月明衣冷斫營回
行驅貔虎披金甲立聽笙歌擲玉杯
坐久不須輕矍鑠至今雙臂硬弓開

邊上看獵贈元戎

繡簾臨曉覺新霜便遣移厨較獵場
燕卒鐵衣圍漢相魯儒戎服從梁王
搜山閃閃旗頭遠出樹斑斑豹尾長
贊獲一聲一作方連朔漠賀杯環騎舞優倡
軍迴野靜秋

天白角怨城遙晚照黃紅袖擁門持燭炬鮮勞今夜宴
華堂

余自刑部員外郎為時權所擠值盤石出鎮藩
屏朝選賓佐以余充職掌記鬱鬱不樂因成長
句寄所知

正叨清級忽從戎況與燕臺事不同開口謾勞矜道在
撫膺唯合哭途窮操心未省一作必趨浮俗點額尤慙自
至公他日陶甄尋陸履滄州何處覓漁翁

北齊二首

任道驕奢必敗亡且將繁盛悅嬪嬙
幾千簪鏡成樓柱六十間雲號殿廊
後主獵迴初按樂胡姬酒醒更新妝
綺羅堆裏春風畔年少多情一帝王

神器傳時異至公敗亡安可怨
怱怱犯寒獵士朝頻戮告急軍書夜不通
并部義旗遮日暗鄴城飛燄照天紅

周朝將相還無體

一作禮

寧死何須入鐵籠

寄京城親友二首

苦吟看墜葉寥落共天涯壯歲空為客初寒更憶家雨
牆經月蘚山菊向陽花因味碧雲句傷哉後會賒

相思凡幾日日欲詠離衿直得吟成病終難狀此心解
衣悲緩帶搔首悶一作問遺簪西嶺斜陽外潛疑是故林

野寺

野寺看紅葉縣城聞擣衣自憐癡病苦猶共賞心違高
閣正臨夜前山應落暉離情在煙鳥一作島遙入故關飛

吳郡懷古

主暗臣忠枉就刑，遂教強國醉中傾。
人亡建業空城在，花落西江春水平。
萬古壯夫猶一作應抱恨，至今詞客盡傷情。
徒勞鐵鎖長千尺，不覺樓船下晉兵。

守愚

深院寥寥竹蔭廊，披衣欹枕過年芳。
守愚不覺世途險，無事始知春日長。
一畝落花圍隙地，半竿濃一作斜日界空牆。
今來自責趨時嬾，翻恨松軒書滿牀。

村居

二月三月雨晴初
舍南舍北唯平蕪
前懽入望盈千恨
勝景牽心非一途
日照神堂聞啄木
風含社樹叫提壺
行看旦夕梨霜發
猶有山寒傷酒壚

離家

八月初長夜
千山第一程
款

一作懽

顏唯有夢
怨泣却無

聲祖席諸賓散
空郊匹馬行
自憐非達

一作遠

識局促為

浮名

秋雨內宴

乙卯年作

一帶清風入畫堂
撼真珠箔碎玳瑁更看檻外霏霏雨
似勸須教醉玉觴

寒食日沙縣雨中看薔薇

已巳

何處遇薔薇殊鄉冷節時
雨聲籠錦帳風勢偃羅幃
通體全無力酡顏不自持
綠疎微露刺紅密欲藏枝
愜意憑闌久貪吟放醖遲
旁人應見訝自醉自題詩

地爐

兩星殘火地爐畔
夢斷背燈重擁衾
側聽空堂聞靜響

似敲疎磬裏清音風燈有影隨籠轉臘雪無聲逐夜深
禪客釣翁徒自好那知此際湛然心

隰州新驛贈刺史

賢侯新換古長亭先定心機指顧成高義盡招秦逐客
曠懷偏接魯諸生萍蓬到此銷離恨燕雀飛來帶喜聲
却笑昔賢交易極一開東閣便垂名

草書屏風

何處一屏風分明懷素蹤雖多塵色染猶見墨痕濃怪

石奔秋澗寒藤挂古松若教臨水畔字字恐成龍

永明禪師房

景色方妍媚尋真出近郊寶香爐上爇金磬佛前敲
蔓草稜山徑晴雲拂樹梢支公禪寂處時有鶴一作鵲來巢

登樓有題

暑氣檐前過蟬聲樹杪交待潮生浦口看雨過山均才
見蘭舟動仍聞桂楫敲穿雲朱檻好終覩鳳來巢

朝退書懷

鶴帔星冠羽客裝寢樓西畔坐書堂
山禽養久知人喚窗竹筵多漏月光
粉壁不題新拙惡小屏惟錄古篇章
孜孜莫患勞心力富國安民理道長

元夜即席

元宵清景亞元正絳雨霏霏向晚傾
桂兔韜光雲葉重燭龍銜耀月輪明
煙空但仰如膏潤綺席都忘滴砌聲
更待今宵開霽後九衢車馬未妨行

大慶堂賜宴元璫而有詩呈吳越王

非為親賢展綺筵恒常寧敢恣遊盤綠搓楊柳絲初軟
紅暈櫻桃粉未乾谷鳥乍啼聲似澀甘霖方霽景猶寒
笙歌風緊一作急人酣醉却繞珍叢爛熳看

又和

櫻桃花下會親賢風遠銅烏轉露盤蝶下粉牆梅乍一作
半坼蟻浮金罍酒難乾雲和緩奏泉聲咽珠箔低垂水
影寒狂簡斐然吟詠足却邀群彥重吟看

再和

我有嘉賓宴乍歡
畫簾紋細鳳雙盤
影籠沼沚修篁密
聲透笙歌羯鼓乾
散後便依書篋寐
渴來潛想玉壺寒
櫻桃零落紅桃媚
更俟旬餘共醉看

重和

冷宴殷勤展小園
舞鞦一作

柔軟綵糾盤
蓼花盡日疑

頭重病酒經宵覺
口乾嘉樹倚樓青
瑣暗晚雲藏雨碧
山寒文章天子文章
別八米盧郎未可看

余作探使以繚綾手帛子寄賀因而有詩

解寄繚綾小字封探花筵上
暎春叢黛眉印在微微綠
檀口消來薄薄紅
縷處直應心共緊
研時兼恐汗先融
帝臺春盡還東去
却繫裙腰伴雪胷

別錦兒

及第後出京別
錦兒與蜀妓

一尺紅綃一首詩
贈君相別兩相思
畫眉今一作此日空

留語解佩他年更可期
臨去莫論交頸意
清歌休著斷

腸詞出門何事休

一作仍

惆悵曾夢良人折桂枝

閒步

莊南縱步遊荒野獨鳥寒烟輕惹惹傍山疎雨溼秋花
僻路淺泉浮敗果樵人相見一作聚指驚麕牧童四散收
嘶馬一壺傾盡未能歸黃昏更望諸烽火

乾寧三年丙辰在奉天重園作

仗劍夜巡城衣襟滿霜霰賊火徧郊坰飛燄侵星漢積
雪似空江長林如斷岸獨凭女牆頭思家起長歎

雨中

青桐承雨聲聲

一作雨

聲何重疊疎滴下高枝次打歌低

葉鳥溼更梳翎人愁方拄頰獨自上西樓風襟寒帖帖

與僧

江海扁舟客雲山一衲僧相逢兩無語若箇是南能

晚岸

揭起青簾上岸頭野花和雨冷脩脩春江一夜無波浪
校得行人分外愁

仙山

一炷心香洞府開偃松皴澀半莓苔水清無底山如削

始有仙人騎一作跨鶴來

過茂陵

不悲霜露但傷春
孝理何因感兆民
景帝龍顏消息斷
異香空見李夫人

曲江秋日

斜煙縷縷鷺鷥棲
藕葉枯香折野泥
有箇高僧入一作似

圖畫把經吟
立水塘西

流年

三月傷心仍

一作逢

晦日一春多病更

一作是

陰天雄豪亦

有流年恨況是離魂易黯然

商山道中

雲橫峭壁水平鋪渡口人家日欲晡却憶往年看粉本
始知名盡有工夫

招隱

立意忘機機已生可能朝市汙高情時人未曾嚴陵志
不釣鱸魚只釣名

雨村

雁行斜拂雨村樓簾下三重

一作更

幕一鈎倚柱不知身

半溼黃昏獨自未迴頭

使風

茶烟

一作香

睡覺心無事一卷黃庭在手中欹枕卷簾

一作

已過江萬里舟人不語滿帆風

阻風

平生情趣

一作性

羨漁師此日烟江愜所思肥鰕香粳小

艘艤斷腸滋味阻風時

并州

戍旗青草接榆關
雨裏并州四月寒
誰會凭闌潛忍淚
不勝天際似江干

夏夜

猛風飄電黑雲生
霎霎高林簇雨聲
夜久雨休風又定
斷雲流月却斜明

闌干

埽花雖恨夜來雨，把酒却憐晴後寒。
吳質謾言愁得病，當時猶不凭闌干。

以庭前海棠梨花一枝寄李十九員外

二月春風澹蕩時，旅人虛對海棠枝。
不如寄與星郎去，想得朝回正畫眉。

驛樓

流雲溶溶水悠悠，故鄉千里空迴頭。
三更猶一作獨凭闌

干月淚滿關山孤驛樓

頻訪盧秀才

盧時在
邈末

藥訣綦經思致論柳腰蓮臉本忘情
頻頻強入風流坐
酒肆應疑阮步兵

荅友人見寄酒

雖可忘憂矣其如作病何
淋漓滿襟袖更發楚狂歌

野釣

細雨桃花水輕鷗逆浪飛
風頭阻歸櫂坐睡倚蓑衣

曲江晚思

雲物陰寂歷竹木寒青蒼水冷鷺鷥立煙月愁昏黃

贈友人

莫嫌談笑與經過却恐閒多病亦多若遣心中無一事
不知爭奈日長何

半睡

睂山暗澹向殘燈一半雲鬟墜枕稜四體着人嬌欲泣

自家揉損

一作碎

研繚綾

已涼

愁多却訝天涼早思倦翻嫌夜漏遲何處山川孤館裏

向燈彎盡

一作盡

一雙眉

寄禪師

從無入有雲峰聚已有還無電火銷銷聚本來皆是幻
世間閒口漫囂囂

訪明公大德

寸髮如霜袒右肩倚肩筇竹貌怡然懸燈深屋夜分坐
移榻向陽齋後眠刮膜且揚三毒論攝心徐指二宗禪

清涼藥分能知味各自胃中有醴泉

大酺樂

晚日催弦管春風入綺羅杏花如有意偏落舞衫多

思歸樂

淚滴珠難盡容殊玉易銷儻隨明月去莫道夢魂遙

御製春遊長句


天意分明道已光春遊嘉景勝仙鄉玉爐煙直風初靜
銀漢雲消日正長柳帶似睂全展綠杏苞如臉半開香

黃鶯歷歷啼紅樹紫燕關關語畫梁
低檻晚晴籠翡翠
小池波暖浴鴛鴦
馬嘶廣陌貪新草
人醉花堤怕夕陽
比屋管弦呈妙曲
連營羅綺鬪時妝
全吳霸越千年後

升平顯萬方



御定全唐詩卷六百八十二



總校官庶吉士臣張能照

校對官庶吉士臣許兆椿

謄錄監生臣馬植基